

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՏԱՐՈՆԻԿ ՀԱՄԱՅՆՔԻ
ՂԵԿԱՎԱՐ ԱՐՄԵՆ ԽԼԴԱԹՅԱՆԻ 2018 ԹՎԱԿԱՆԻ ԵՐԿՐՈՐԴ ԿԻՍԱՄՅԱԿԻ**

Հ Ա Շ Վ Ե Տ Վ ՈՒ Թ Յ ՈՒ Ն

2019 թվականին հունվարի 29-ին Արմավիրի մարզի Տարոնիկ համայնքի ղեկավարի կիսամյակային հաշվետվությանը ներկա էին մարզպետարանի աշխատակազմի Առողջապահության և Սոցիալական ապահովության վարչության պետ Հովհաննես Հարությունյանը համայնքի ավագանու անդամներ համայնքապետարանի աշխատակիցներ և համայնքի բնակիչներ:

Հայաստանի Հանրապետության Արմավիրի մարզի Տարոնիկ համայնքի ղեկավարը ղեկավարվելով << Տեղական ինքնակառավարման մասին>> և << Իրավական ակտերի մասին>> Հայաստանի Հանրապետության օրենքներով, համայնքի ղեկավարի աշխատակազմի, ավագանու և համայնքապետարանի ենթակայության տակ գտնվող աշխատակիցների միջոցով իրականացրել է իրեն վերապահված իրավասությունների շրջանակներում իր լիազորությունները:

1. Քաղաքացիների իրավունքների պաշտպանության բնագավառում

2018 թվականի երկրորդ կիսամյակի ընթացքում համայնքապետարան է դիմել 107 բնակիչ: Դիմումներում բարձրացվել են սոցիալական, հողային, շինարարության, ֆինանսական, անձնական և այլ բնույթի հարցեր, որոնք սահմանված կարգով քննարկվել են և տրվել լուծումներ: Ընթացիք ժամանակահատվածում համայնքապետարանում ստացվել է 307 գրություն, հղվել է 254 պաշտոնական գրություն և համայնքի բնակիչներին տրվել է 235 տեղեկանք:

Համայնքապետարանը համայնքի բնակիչների շահերը պաշտպանելու նպատակով իր միջնորդությամբ հանդես է եկել անձնագրային բաժնում, նոտարական գրասենյակում, կադաստրի տարածքային ստորաբաժանումում, դատարանում և այլ կառույցներում:

Համայնքում կայացել է ավագնու 4 նիստ, որտեղ քննարկվել են համայնքի խնդիրներին վերաբերվող տարբեր բնույթի հարցեր և կայացվել է ավագանու 18 որոշումներ, որոնք ներկայացվել են մարզպետարան:

Համայնքի ղեկավարի կողմից կայացվել է տարբեր բնույթի 78

որոշում և 16 կարգադրություն, որոնք նույնպես ներկայացվել են մարզպետարան:
Համայնքապետարանը ժամանակին կազմել և ներկայացրել է բոլոր
հաշվետվությունները ըստ պատկանելության:

2. Ֆինանսների բնագավառում

Տնօրինել է համայնքի 2018 թվականի բյուջեի տարեկան մուտքերը և նպատակային
օգտագործումը:

Եկամուտներ

1. Հողի հարկ	5372.4 հզ. դրամ
2. Գույքահարկ	14094.3 հզ. դրամ
3. Հողի վարձակալության գումար	59.9 հզ. դրամ
4. Դոտացիա	37853.9 հզ.դրամ
5. Տարվա սկզբի ազատ մնացորդ	0 հզ.դրամ
6. Աղբահանության վճար	857.3հզ դրամ
7. Տեղական տուրքեր	16.0հզ դրամ

Ծախսային մաս

1. Տեղական ինքնակառավարում	24106.6 հզ. դրամ
2. Գրադարաններ	6200.0 հզ. դրամ
3. Երիտասարդական ծրագրեր	3916.0հզ. դրամ
4. Ընդհանուր բնույթի ծառայություն	8884.0հզ. դրամ
5. Աղբահանություն	2086.9 հզ.դրամ
6. Գյուղատնտեսություն	444.0 հզ. դրամ
7. Սոց օգնություն	3300.0հզ. դրամ

Համայնքապետարանը աշխատակազմի աշխատակիցների աշխատավարձերի և եկամտային հարկի գծով հաշվետու ժամանակաշրջանում պարտքեր չունի:

3. Պաշտպանության բնագավառում

Համայնքապետարանը տարածքային զինկոմիսարիատից ստացած ծանուցագրերը ժամանակին հասցնում է հասցեատիրոջը և հետևում է, որ ժամանակին ներկայանան զինկոմիսարիատ:

Հատուկ ուշադրություն է դարձվում Արցախյան պատերազմի վետերանների և մասնակիցների սոցիալական խնդիրների լուծմանը: Երիտասարդության շրջանում մեծ աշխատանքներ են տարվում ռազմահայրենասիրական ոգով դաստիարակելու գործում:

4. Քաղաքաշինության և հողօգտագործման բնագավառում

Ամենօրյա ուշադրության կենտրոնում է գտնվում և օրենքով սահմանված կարգով վերահսկողություն է իրականացվում հողերի նպատակային օգտագործման, ինչպես նաև ընդերքի օգտագործման վրա:

Անընդհատ աշխատանք է տարվում հողօգտագործողների հետ հողի հարկի, գույքահարկի գծով հարկերի հավաքագրման ուղղությամբ: Համայնքում մասնագետների մասնակցությամբ տրվել է անվճար խորհրդատվություն բույսերի պաշտպանության հարցում:

Քաղաքացիների դիմումների հիման վրա կատարվել է հողամասերի չափագրման և սահմանների ճշգրտման աշխատանքները:

5. Կոմունալ տնտեսության և բարեկարգման բնագավառում

Համայնքում կատարվել է լուսավորության համակարգի վերանորոգման և արտաքին լուսավորության նոր գծերի անցկացման աշխատանքներ, որի արդյունքում տեղադրվել է լուսավորության նոր 97/տարվա ընթացքում 148/ կետ և տեղադրվել են հոսանքի նոր սյուներ, ծախսվել է 995.0 հզ. դրամ: Վերանորոգվել է համայնքի զոհված

ագատամարտիկների հուշարձանը ,տեղադրվել են տապանաքարեր նկարով ,որի համար ծախսվել է 1500.0հզ դրամ:Բացի այդ բարերարի կողմից անվճար տեղադրվել է հուշաքար : Համայնքապետարանը մշտապես աջակցում է էլեկտրամատակարարման ոռոգման ջրի մատակարարման և գազամատակարարման ծառայությունները իրականացնող աշխատակիցներին:

6. Սոցիալական ծառայության բնագավառում

Ուշադրության կենտրոնում են օգնության կարիք ունեցող ընտանիքները , որոնց տրվում է ֆինանսական օգնություն: 2018թվականի ընթացքում համայնքապետարանը կարիքավոր ընտանիքներին տրամադրել է ֆինանսական օգնություն ընդհանուր գումարով 3300.0 հզ. դրամ:

Համայնքում գործում է << Խնամակալության և Հոգաբարձության հանձնաժողով>>, որի հիմնական խնդիրն է անօթևան երեխաների հայտնաբերումն ու դաստիարակումը և դատական վեճերի պարագայում երեխայի բնակության վայրը որոշելու մասով եզրակացության տրամադրումը :

Համայնքապետարանը մշտապես աջակցում է Բուժամբուլատորիային համայնքի բնակչության բուժ սպասարկումը պատշաճ կազմակերպելու գործում:

7. Գյուղատնտեսության բնագավառում

Տարածքային վիճակագրման վարչություն է ներկայացվել ցանքաշրջանառության, պտղի և բանջարեղենից ստացված բերքի և անասունների վերաբերյալ հաշվետվություններ: Համայնքում կազմակերպվում է անասունների և թռչունների համաճարակային պատվաստումներ:

Հ Ի Մ Ն Ա Ք Ն Դ Ի Ր Ն Ե Ր

Տարոնիկ գյուղի հիմնախնդիրներն են՝

1. Խմելու ջրի ջրագծի վերանորոգման հարցը
2. Մանկապարտեզի շենքի վերանորոգման հարցը
3. Կուլտուրայի տան վերակառուցման հարցը
4. Ներհամայնքային ճանապարհների և փողոցներ բարեկարգման հարցը

ՀԱՄԱՅՆՔԻ ՂԵԿԱՎԱՐ՝



29 հունվար 2019 թվական

Տարոնիկ համայնք